



Forum Ecclesiasticum

In Quo Jus Canonicum Universum, Librorum Ac Titulorum Ordine Per
Quæstiones Et Responsa, Tam Canonistarum Veterum & Recentiorum,
quàm Legistarum, in iis, quæ Utrique Juri, Canonico Et Civili Communia
Sunt, Authoritate stabilita, Methodo clara & facili explanantur

Leuren, Peter

Moguntiae, 1719

Quæst. 609. Testamentum inter liberos quodnam dicatur, & quas
solennitates requirat.

[urn:nbn:de:hbz:466:1-73957](#)

hoc ipso, quod hæres succedat in universum justificatoris. videtur autem repugnare æquitati, idem testamentum, cuius favore & valore se defendit causa pia, ob ejusdem cause favorem impugnari & infirmari in alio contra illud tritum: quod quisque juris in alterum statuit, vel obtinet, ut & eo ipso debet.

Quæst. 609. Testamentum inter liberos quodnam dicatur, an & quas solennitates requirat.

R. Ad primum: testamentum inter liberos illud, iudicium est, quod parentes faciunt inter liberos, eosque hæredes instituant. Dicitur primò: parentes, quo nomine hic veniunt tam mater quam pater, ut constat ex *L. bac consilif. ff. de V. S.* etiò enim olim hujus testamenti privilegiati factio concernebat solum patrem, teste Justiniano *Novell. 107.* quia tamen leges, ut inquit Muller. *ad struv. in ff. quist. fac. possunt. ib. 18. lit. i.* erubuerunt matrem supponere illis solemnitatibus, à quibus patrem liberarunt, extensa fuit privilegiata illa factio testamenti etiam ad matrem à Theodosio & Valentiniā per *cit. l. 21.* neque enim minus hæreditas matris quam patris debetur liberis per *l. 15. ff. de inoffic. testam.* privilegiumque testandi absque solemnitatibus non concessum ratione patriæ potestatis, quam solus pater habet *§. 10. Inst. de adopt.* Sed ex reverentia, quam matri & què ac patri debent liberi. *l. 4. c. de patr. potestat. cit. Novel. 107. c. de testam.* Et hæc, etiam mater transierit ad secundas nuptias. Lauterb. *in ff. de testam. milit. §. 25.* Muller. *l. c. lit. e.* Arg. *l. 8. ff. de pub. in rem aet.* Item veniunt in hac latiore significatione parentum nomine omnes ascendentēs in linea directa utriusque sexus & cuiuscunq; gradū, avus proavus, avia & proavia juxta *cit. l. bac consilif. 21. §. ex imperfecto.*

2. Dicitur secundo: *inter liberos:* quo nomine hic veniunt omnes descendentes linea rectâ utriusque sexus & cuiuscunq; gradū *l. 220. ff. de V. S.* ita ut etiam avus vivente filio, testamentum facere possit inter nepotes, ut Lauterb. *l. c. §. 26.* cum Carpz. *7. F. c. 4. def. 16.* Arg. *cit. l. 21.* dum ibi generaliter dicitur, parentum testamentum valere inter liberos, quorum nomine secundum propriam significationem veniunt nepotes & pronepotes. *cit. l. 220.* Veniunt quoque filii tam natī quam nascitū. *L. 117. ff. de R. J.* utpote qui pro natīs habentur, quoties de eorum commōdo agitur. *L. 7. ff. de statu homin.* Lauterb. *§. 26.* Item tam emancipati, quam sub patria potestate constituti. *l. 56. ff. de V. S.* Brunem. *ad cit. l. 21. §. 1.* Lauterb. *l. c. Müller. cit. th. 18. lit. b.* Item nomine filiorum, inter quos parentes validè sine solemnitate facere possunt testamenta, venire tam legitimos quam naturales, tenent Carpz. *p. 3. c. 4. def. 24.* Lauterb. *§. 28.* Hahn. *tr de testam. th. 28.* Arg. *cit. l. 21.* loquentis generaliter. uti & exemplum est. *in l. 6. ff. de injus. voc.* Imperatore responente ad affectionem naturalem & rationem sanguinis. Contrarium probabilitus tenentibus Claro. *l. c. q. 12. n. 1.* testante de communi. Gail. *L. 2. obs. 112. n. 18.* Fachin. *l. 4. controv. c. 3.* Jafon. *in l. 21. §. ex imperfecto. c. b. t. n. 4.* Decius. *conf. 610. n. 3.* Stryck. *de testam. inter liber. c. 2. n. 15.* Reiffenb. *t. n. 208.* ex ea ratione, quod dum lex intentionem facit de liberis regulariter intelligantur soli legitimis. *L. filium. ff. de his. qui sunt sui.* ad hæc non videatur credibile, iura voluisse specialem favorem exhibere illegitimis ob inordinatam patris libidinē suspectis.

illud saltem videtur certum, non venire illegitimos, cum existat proles legitima. Secus tamen est de illegitimis seu naturalibus respectu matris, inter quos ab ea factum testamentum minùs solene valet. Clar. *l. c. n. 2.* Gail. *l. c. n. 20.* Lauterb. *§. 28.* Reiff. *n. 209.* utpote qui quod ad matrem omnia legitimorum jura habent, unde etiam jure communī succedunt. *§. novissime Inst. ad S. C. Orphit.* Brunem. *ad cit. l. 21. §. 1. n. 5.* allegatis multis. uti & DD. communiter testa Lauterb. Item veniunt tam legitimè natī quam ex post legitimati, utpote consecuti omnia legitimorum jura. Fachin. *l. 4. controv. c. 4.* Lauterb. *§. 27.* Ludvvel. *tr. de ult. vol. p. 3. c. 3. pag. 332.* Muller. *l. c. lit. y.* Non verò veniunt natī ex damnato concubitu, utpote quos Jus Civile pro liberis non agnoscit, & ab omni successione excludit. *Novell. 89. c. fin.* Lauterb. *§. 28. in fin.* ubi etiam, quod de spuriis quod ad patrem fructu queratur; quia incerto patre natī, quanquam quo ad matrem illustrē, succedere illi spuriis, & consequenter inter eos testamentum facere posse, ubi nullos legitimos habet, extra dubium esse dicat. Idem Lauterb. *§. 25.* Sed neque inter filios adoptivos testamentum facere potest pater aut mater, nisi sint ab aliquo ascendētū; cum proprie liberi non sint, & liberis simpliciter nominatis, non comprehendantur. Lauterb. *§. 27.* citatis aliis. Nequaquam autem veniunt descendentes ex linea laterali, etiam si de cætero patri testatori arctissimo cognationis & sanguinis vinculū sint conjuncti, v. g. germani fratres & sorores, baraque descendentes, quia hi omnes, & quotquot non sunt ex linea directa testatoris, censentur perlona extraneæ, ut juxta *l. 21. c. de testam.* Harpr. *ad §. 3. c. 4. Inst. de testam. Ord. n. 228.* Carpz. *p. 3. c. 4. d. 19. n. 5.* Surd. *conf. 258. n. 22.* Boer. *decis. 241. n. 3.* Clar. *§. testamentum. q. 10. n. 1.* & plures alii, quos citat & sequitur Muller. *l. c. th. 19. lit. a.* Adeoque multo minus affines, ut prævigni & prævignæ, qui vitreco & noverce nequeunt succedere, & adquos, quae alijs in jure specialiter singulari parentum & liberorum favore inter illos inducta, non pertinent. verum de hoc infra, ubi an persona extranea institui possint hæredes, denique non veniunt filii, qui per statutum sunt exclusi a successione ab intestato. v. g. filii, quia sunt doctæ. Clarus. *l. c. q. 12. n. 4.* citatis aliis. Lauterb. *l. c. §. 31.* vel etiam, quia sollemniter renunciarunt, de cætero si in hoc testamento vel unus sit præteritus (excipi, nisi sit ex hereditate) illud non valet, cum hic defectus præteritionis non sit circa solemnitatem, sed circa substantiam illius. Clar. *l. c. q. 8. n. 6.* cum gl. *fin. in l. si filius. ff. de liber. & posthum.* Alex. *L. 2. conf. 126. post. n. 3.* Natta. *§. 1.* & aliis.

3. Dicitur tertio: *cosque hæredes institunt:* quia de essentia hujus testamenti est, ut omnibus filiis relinquatur jure institutionis, ita ut si relinquatur iis aliquid alio titulo v. g. legati, tale testamentum destitutum solemnitatibus non valeat. Clar. *l. c. q. 8. n. 7.* citatis Ruin. *l. 2. conf. 1. n. 3.* Salicet. *in auth. novissima. c. de inoffic. testam.* Natta. *in cit. l. 21. §. ex imperfecto. n. 112. & seq. & plurimis aliis,* qui ferè omnes testantur esse communem legistarum & Canonistarum, idque ex ea ratione, ut Clar. *l. c. q. 38. n. 1.* quod lex disponens, ut valeat tale testamentum inter liberos, condita sit in favorem liberorum, utpote quibus debebatur etiam jure naturali hæreditas parentum, adeoque eorum conditio sit deterior, ea lex locum non habeat; fieret autem deterior, si non titulo institutionis, sed titulo legati vel fideicommissi aliōve particulari relinquetur iis;

is; dum è contra, si filius in re certa institutus, cohærede universali repudiantem hæreditatem, ea tota accresceret filio instituto. l. 21. §. 1. c. de testam. Barbos. ad l. 13. c. de hared. instit. alijs præterea utilitatis enumerante Valsq. de sui cess. l. 2. §. 20. p. 205. Idem omnino ex eadem ratione tradit Muller. cit. th. 18. lit. n. ubi etiam addit, quod liberi debeant direcțe institui.

4. Resp. Ad secundum: tametsi testamentum parentum inter liberos sit pro utroque foro plurimi privilegium, nihilominus solennitatis aliquas adhuc requirit, sive fiat in scripto, sive nuncupative, ut fieri potest. Tales sunt primò & ante omnia, ut constet de voluntate patris testari volentis. Muller. th. 23. lit. ζ. quod tamen potius ad substantiā quam ad solennitatis talis testamenti referendum. Secundò debet fieri scripto vel oretenuis. ita Clar. l.c. q. 8. n. 9. dum ait, non valere hoc testamentum nütu factum; nec debere sumi argumentum à testamento ad pias causas, quod dicit nütu factum valere. Tertio, ut secundum immediatè ante dicta liberis relinquitur portio sua titulo institutionis, seu omnes nominentur honorabili nomine hæredis, ut præter citatos Gail. L. 2 obf. 112. n. 11. Covar. de testam. c. 16. §. 1. n. 4. Berlich. p. 3. concl. 15. n. 20. Fachin. l. 4. controv. c. 14. Salicet &c. contra Jason. in auth. novissima. c. de inoff. testam. & alios ab eo citatos. His non obstante, quod objicit Jason. nimirum quod dicta institutio sit solennitas Juris civilis; in hoc autem testamento attendunt tantum jus naturale & gentium nam hoc ipsum, quod solum jus gentium sit observandum in eo, negatur; cum hoc testamento non sit totaliter exemptum à solennitatibus juris civilis, ut patebit ex dicendis, unde etiam à testamento ad pias causas (quod valet, efti non titulo institutionis aut hæredis, sed alio relinquitur liberis aliquid, modo id attingat legitimam; eo quod licet legitimam liberis debeatur jure naturali vel gentium juxta L. scripto. §. 1. ff. unde liberi, non tamen debeatur illis jure naturali ut legitima portio assignetur titulo institutionis seu hæredis; cum hac ratione solummodo debeatur illis ex dispositione juris civilis. Novell. 113. c. 2.) ad testamentum inter liberos, quod minus in hoc ipso & aliis est privilegium quam illud, non valet argumentatio, valet tamen testamentum patris inter liberos, quod unum vel plures eorum titulo hæredis instituit; alii verò eorum portionem legitimam assignat titulo legati vel fideicommissi, secundum Reiffenst. b. 1. n. 198. cuius tamen contrarium melius cum AA. paulò ante citatis dixerat n. 192. nimirum, ut valeat testamentum inter liberos, sive scriptum sive nuncupativum, debere cuivis ex liberis relinqui suam portionem titulo hæreditatis, sive debere omnes institui & nominari titulo hæredis; quamvis hoc titulo inæqualiter instituere illos possit, uni majorem & pinguiorem partem hæreditatis assignando quam alteri, modo cuivis legitimam relinquit, uti docent Arg. L parentibus. c. de inoff. testam. & ibi Jason. num. 1. Gail. l.c. n. 23. Fachin. l.c. c. 2. Clar. l.c. q. 14. n. 8. qui tamen addit; modo sit modica disparitas, alijs fecus. Laym. l.c. n. 12. quos citat & sequitur. Reiffenst. n. 190. si non cum communi, ut ait, saltem cum communione, ut Clar. contra Covar. de testam. c. 16. §. 5. n. 5. Decimum & Tiraq. ex ea ratione, quodsi ex testamento non aliter quam ab intestato, nempe æqualiter succedere debeant liberi, hoc testamentū inter liberos vix ullum privilegiū haberet.

5. Quartò, sive testamentum hoc fiat in scripto, sive nuncupative, requiritur, ut nomina liberorum,

uti & quantitas unciarum, seu in quota parte quisque institutus, clarè exprimantur. Novell. 107. c. 1. Autib. quod si sine c. de testam. & ibid. Sichard. 28. 6. Carpz. p. 3. c. 4 d. 17. n. 8. & l. 6. tit. 3. resp. 33. n. 2. Menoch. de adipisc. posseff. remed. 4. num. 3. 4. Muller. cit. th. 23. lit. n. cum aliis. & ita quidem, ut si in scripto fiat testamentum, exprimendo quotam illam, dum in pecunia à numerali consulti, non notis arithmeticis seu cifferis scribendo. v. g. assigno filio meo Titio pro sua quota 1000. florenos: cùm in hoc facile error vel fraus committi possit; sed scribendo literis expressis. v. g. relinquo Titio mille florenos. Clar. cit. q. 14. n. 3. juxta cit. novell. 107. c. 1. cum communi, ubi etiam dicit, quod utendum non sit abbreviationibus etiam usitatis; sed extense verbis integris, pro quo citat Bartol. in l. quies. §. 1. ff. de hared. instit. quod poterit securius esse dicit Reiffenst. b. 1. n. 183. per quod indicare videtur, id non esse absolue de substantia talis testamenti.

6. Quinto: Requiritur quoque in hoc testamento lscripto ut adscriptum sit tempus, annus, mensis, dies, quo conditum testamentum est. Novell. 107. Clar. l.c. n. 2. Lauterb. §. 33. Muller. l.c. lit. a. dicens communem, & nisi addatur non recte confici testamentum. pro quo citat Carpz. p. 3. c. 4. def. 17. n. 8. Manz. de testam. valid. & inval. l. 4. q. 3. n. 10. Coler. def. 16. n. 7. Gratian. disc. for. Tom. 2. n. 235. & plures alios, & inter hos scabinos Lipsiens. qui pronunciarunt tale testamentum esse nullum, etiam die non expreßo. Et hac ex ea ratione, quod ut Bald. in l. contractus. de fide instrum. n. 6. tempus denotet scripture perfectionem; quin etiam ex temporis appositione magis colligi delibera tam mentem & voluntatem patristestatoris, & de veritate melius constare, ut etiam, si testator decebat relictis duobus testamentis, constare possit, quodnam sit prius vel posterius, secundum quod successio institui debeat, dum alias, si post obitum patris inveniantur plura testamenta, & non appareat, quo tempore unumquodque conscriptum ob incertitudinem temporis & defectu in probationis ambo corruant, & effectum nullum habeant, ut Muller. l.c. Posse tamen tempus per æquipollens, ex quo colligere licet, quo tempore conditum testamentum. v. g. die, quo 60. annum ætatis intrarem; suppleri; cum nihil inter sit, quomodo tempus sit certum, modo de certo constet, ait Idem.

7. Sexto requiritur, ut, ubi testamentum hoc conscriptum ab alio quam patre testatore subscriptum sit à patre manu propria; quia non nisi hac subscriptione confirmatur; cum haec subscriptione totam lscripturam suam faciat, & in omnia, que in ea continentur, consentire videatur juxta L. 8. §. 25. ff. quib. mod. pig. Sot. Clar. cit. q. 14. n. 4. Fagn. inc. tuanos. b. t. n. 10. Gail. l.c. n. 8. Laym. l.c. Reiff. n. 186. Lauterb. §. 32. Arg. l. 21. c. de testam. Etsi autem Brunem. in cit. l. 21. §. 1. n. 14. Clar. l.c. n. 4. dicens communem velini, non sufficere solum nominis notationem; sed in specie requiri, ut testator adjiciat: in praecedente scripture ultimam suam voluntatem contineri; vel dicat: hoc testamentum inter liberos conditum approbo: vel simile quid; communiter tamen sufficere dictam subscriptionem nominis tenet Muller. l.c. lit. A. & ita in praxi obtinere, ait Lauterb. l.c. citatis Carpz. Richt. Berlich. Sigillum tamen testatoris scripture ab alio subscripta appositum non sufficere sine subscriptione ob defectum formæ, ut valeat tale testamentum, ait Idem citatis Carpz. Richt. sub hac tamen limitatione: nisi testibus probari possit, quod ipse pater

vel alius ex ejus mandato sigillum apposuerit; vel etiam subscriptio ab omnibus liberis facta suppleat defectum subscriptionis. Sed neque dicta subscriptio, aut etiam liberorum necessaria, dum pater propria manu totum scripsit testamentum, modo manus illius agnoscatur. Clar. l. c. n. 1. Gail. l. c. Jafon. in Autb. quod sine. c. h. t. n. 1. Fachin. L. 4. controv. c. 1. Unde si in arca vel apud Notarium alium non suscepimus inveniatur scheda patris manu scripta, etiam nullius manu subscripta, in qua continetur ejus dispositio inter liberos, valet illa in ratione testamenti inter liberos in utroque foro juxta cit. autb. quod sine. Alex. L. 7. cons. 105. in fine. Clar. cæterique AA. jam citati.

8. Septimò; in testamento inter liberos nuncupative requiruntur ad minimum duo testes. Clar. l. c. q. 8. n. 2. cum communi; non quidem pro solennitate essentiali, ita, ut etiā aliunde de voluntate patris constet, adhuc requirantur; sed solius probationis gratiā. Lauterb. §. 34. Muller. l. c. lit. v. dum nimis aliunde de eo constare nequit. Neque hujus contrarium velle videntur Capz. p. 3. c. 4. d. 15. Muller. l. c. lit. o. & alii passim, dum dicunt, requiri hos testes, ut valeat testamentum; sed ad summum non valere, seu nullum effectum habere tale testamentum, si non adhibitis testibus etiam aliunde de voluntate testatoris constare nequeat. ut id ipsum satis exprimit, dum dicunt: valet testamentum nuncupativum, etiā omnia alia solennitate careat, modo per duos testes vel aliunde constet de voluntate testatoris. De cetero, dum pater cucus nuncupative testatur, prater duos dictos testes ad probandum requiri tertium testem; eò quid sicut se habet testamentum solenne videntis ad testamentum solenne cæci, in quo ultra confluendum numerum necessarius unus adhuc; ita etiam se habeat testamentum patris cæci inter liberos ad testamentum patris videntis, asserit. Muller. l. c. citatis Stryck. de jure sens. d. 2. c. 3. n. 41. Vsq. de success. l. 3. §. 30. num. 44. Fachin. l. c. n. 2. & pluribus aliis. Nihilominus & in hoc casu sufficere duostestes, tradit Clar. §. testamentum. q. 17. n. 2. citatis Bald. in l. hac consultissima. c. de testam. n. 1. Jafon. ibid. n. 4. qui dicat hanc sententiam esse communem & pluribus aliis. ex ea ratione, quid cestet omnis falsitatis suspicio in filiis, qui omnino alias patri ab intestato sunt successuri; ac præterea favor filiorum, propter quem inducta dispositio cit. l. hac consultissima. §. ex imperfeto. ita militat in filiis cæci, sicut in filiis videntis. Porro illud hic notandum, quid, si testamentum patris inter liberos non valeat ex defectu alicujus jure civili requisiti. v. g. quia unus ex filiis fuit præteritus; vel nomina filiorum non expressa, uncia seu quota manifestata literis sed cifferis &c. valebit adhuc ut codicillus, non tantum, ubi clausula codicillaris, quæ testator dicit: si hæc dispositio non valet ut testamentum, volo, ut valeat tanquam codicillus, vel omni meliore modo; fuit expressè addita; sed etiam sine illa; eò quid pater, ut Clarus l. c. q. 8. n. 8. citatis pluribus tempore justè præsumatur subintellexisse, hanc clausulam. & ita quoque tenent Jafon. in autb. novissima. c. de inoff. testam. n. 21. Menoch. l. 4. presump. 31. n. 16. Gail. l. 2. obs. 112. n. 1. Covar. in c. Raynut. §. 1. n. 1. citati à Reiffenst. b. t. n. 202. illis inhærente. verum de his plura paulo post, ubi quales solennitates requirat codicillus.

9. Resp. Tertio: ea, in quibus hoc testamentum (in quo aliæ jure ff. æquè observandæ erant solennitates, ac in alio testamento solenni jure codicis) privilegium est seu exemplum à solennitatibus

bus requisitis, sunt ferè sequentia primò, quid, ut dictum, valeat, dum in scheda conscriptum à patre sine ulla subscriptione illius aut etiam filiorum aliorum vestium, & absque alia probatione. Fachin. L. 1. controv. c. 1 Zoës, ad ff. qui testam. sac. poss. Muller. l. c. lit. v. Clar. l. c. q. 14. n. 1. qui tamen n. 2. addit, quid nihilominus requiratur, ut in tali scheda addatur dies, quo confecta; et si alia regulariter in scriptura privata non requiratur dies vel annus. Secundum est de scheda, in qua pater futuri testamenti formulam concepit & affirmasset, propositum sibi esse, quod velit secundum illam testamentum condere; cum ea voluntatem patris ultimam non contineat, sed tantum præparationem ad testandum. Muller. l. c. lit. ζ. Secundò, quid in facto in scriptura ab alio quam à patre scripta, vel etiam in factō nuncupative duo solū testes sufficient. Clar. l. c. q. 8. cum gl. unic. in autb. quod sine. nec requiratur, quid hi testes sint rogati, ut Idem n. 5. cum Jafon. L. 2. cons. 6. circa pr. Natta, in cit. §. ex imperfeto. n. 159. testantibus de communi. Neque ut sint maris. Clar. cum gl. unica in autb. quod sine. c. de testam. Natta l. c. n. 166. Decio in l. 2. ff. de R. f. n. 31. Ripa in privil. ult. volunt. n. 24. & alii. Item Gail. l. c. n. 6. Laym. &c. Tertiò qualiter valeat hoc testamentum etiam imperfectum, hoc est, inchoatum tantum, videri potest ex dictis in hoc puncto. q. preced. de testam. rd. piastas: idem enim hic locum habet. videri etiam potest Clar. q. 9. Denique ad privilegia hujus testamenti reduci potest, quid, si in eo relinquatur aliquid personæ extraneæ titulo hæredis, ut si dicatur: liberos meos & uxorem instituo hæredes: etiā non valeat quid ad personam illam extraneam, subsistat tamen quid ad liberos juxta L. hac consultissima. §. ex imperfeto. c. de testam. & l. fin. c. famili. hereditate. Si autē in eo relinquatur quid personæ extraneæ titulo legati vel fideicommissi, valeat quoque ad illam personam extraneam, accessorio sequente principali, & ita contra Jafon. in cit. l. hac consultiss. n. 10. & alios docent Covar. de testam. c. 11. n. 2. Molin. d. 128. n. 2. dicens communem. Alex. cons. 41. n. 103. Reiffenst. n. 204. quem vide n. seq. diluentem textus in contrarium adductos. quid tamen n. 207. subiungit, oppositam sententiam, nimis quid legata in testamento hoc assignata non valeant, nisi adhibitis saltem solennitatibus ad codicillum requisitis (quæ aliæ non sunt quā quinque testes, five feminæ, five mares, five rogati, five fortuitæ, simul tamen præsentes, qui subscribere, non tam subsignare debent, dum codicillus erigitur in scripto, juxta clarum texum L. fin. c. de codicill.) non esse minùs probabilem, si non probabiliorem; eò quid jura aperi & indistinctè dicant, testamentum imperfectum inter liberos quid ad externas personas non valere. Porro quia hic dicta de testamento parentum inter liberos, nullatenus locum habent in testamento liberiorum inter parentes; eò quid, quia contra communis regulas statuta sunt, non debeant trahi in consequentiā. Clar. l. c. q. 12. n. 6. citatis pluribus. de Lugo. T. 2. de f. & f. d. 24. n. 16. Remittens ad Vsq. de testam. c. 1. §. 6. & Sanch. L. 4. consl. c. 1. du. 5.

Quesit. 610. An & qualiter Principes, Comites & status Imperiit teneantur in suis testamentis observare solennitates Juris Civilis.

R Esp. non convenire in hoc AA. nam testamenta principum dici non posse alligata ad solennitates priva-